




www.BibleForChildren.org


Nau Ntóm 1




Bơ nơm saom saam
Kôranh Brah nêng trôk,
nêng neh ntu.



Nôk nây nơh neh ntu ê hỏ geh
ôh, hôm nsoyh bống lahưr,
ngo chêk kôlăk ngăn ta bớh lơ
dak jru, jêh ri Brah Huêng Ueh
Kôranh Brah hăn rsong
ta kalơ dak ri.




Jêh ri Kôranh Brah lah: “Ăn geh ang” jêh ri geh ang
ngăn ro. Kôranh Brah kuăl ang i nây rnha «Nar», jêh ri
Păng kuăl đống ngo rnha «Măng», ta nây geh mănğ
geh ôi, i nây jêng nar tồl nguai.



Jêh ri Kôranh Brah lah: “Ăn geh du mlôm rlat ta nklang n'gul dak gay ma tâm nkhhah lơi dak”. Jêh ri Kôranh Brah kuăl rlat i nây rnha «Trôk», ta nây geh mǎng geh ôi, i nây jêng nar tồl bar.



Jêh ri Kôranh Brah lah: “Dak i ta nâm trôk i nây ăn nsũn gũ du ntũk, gay ăn mpoł kơh” jêh ri geh kơt i nây ngãn ro. Kôranh Brah kuăł kơh i nây rnha «Neh», kuăł dak nsũn i nây rnha «Dak văch dak văr», Kôranh Brah say lể ndơ Păng njêng i nây ueh dadê jêh.



Jêh ri Kôranh Brah lah: “Ăn neh geh hon tơm si tơm gle
rêp ja i geh n'găr, tơm si tơm gle i geh play i geh n'găr
hon tă bớh neh, geh lể ntil tâng ntil êng
êng” jêh ri geh kớt i nây
ngăn ro. Ta nây geh
măng geh ôi,
i nây jêng nar tồl pe.



Nđơ ang Kôranh Brah lể jêh njęng geh nđơ
ang kuống kuống bar mlỗm ta kalơ trôk,
nđơ ang i du mlỗm ri dẫng rlaô bu
ma ang nôk nar, nđơ ang đễ đễ ri
ma ang nôk mẫng, n'ho ma
Pẫng njęng đổng dẫng lể
mẫng mbing. Ta nậ
geh mẫng geh ôi,
i nậ jêng nar
tỗ puẫ.




Jêh ri Kôranh Brah lah: “Ta trôm dak ăn geh kât ka n'gla me re ăn ők rők, ta kalơ trôk ăn geh siũm mpăr đống”. Ta nây geh măng geh ôi, i nây jêng nar töl prăm.




Jêh ri Kôranh Brah lah: “Ta neh ntu dja ăn geh mpômpa (siũm) tâng ntil êng êng, mpômpa (siũm) ta ãon, mpômpa (siũm) hung vớ, mpômpa (siũm) ta bri” jêh ri geh kớ nây ngãn ro.




Jêh ri Kôranh Brah lah: “Ăn Bân jan kon bunuyh blaô
mân jêng kôranh tâm ban ma Bân Nơm kơt Bân Nơm,
ăn păng kôranh ma neh ntu dja, dơi đah ma kăt ka ta
dak văch dak văr, siũm mpăr ta kalo trôk, mpômpa
(siũm) ta bri ta ðon lam neh
ntu, ndrel ma ăn păng dơi
dadê đah dăng lă ntil
ndơ hung ndơ vơr ta
neh ntu dja”.



Kôranh Brah uănh dâng lă rngôch ndr Păng njêng i
nây nơh, Păng say dâng lă ntil ndr Păng jan nơh, lă
ueh ngănn ro, ta nây geh mắng geh ôi, i nây jêng nar tồ
prao.



Jêh ri Brah Yêhova sǎ bunuyh i Pǎng jan mon nơh ǎn
gũ ta mir Êđen i nây, n'ho ma đǎ bunuyh i nây gũ mât
uǎnh đǎng.



Brah Yêhova đã bunuyh
i nây, Păng lah: “Lễ
rngôch play si play gle
ta mir dja may sa dadê
mâu chrao vă tih ma ta
plăng tơm si ăn ma gĩt
năl ndr ueh ndr djơ,
Gập mâu ôh ăn may sa,
mâu ăn may sa vă, lah
may sa may khât nar
nây ro”.



Bunuyh tẽ rnha lẽ rngôch
mpômpa (siũm) ta bri, ta ðon,
ndrel ma siũm mpãr ta kalo trôk
đông. Yơn ma mâu ôh say geh
du ntil ndơ ma blao tâm kơ
bunuyh i nây, ma blao gũ ndrel
pãng.



Ndri Brah Yêhova ăn bunuyh i nây lêt bêch, Brah Yêhova sǎ du mlǎm nting payh bunuyh i nây, jêh ri njâr lơi mlay ăn jâr. Nting payh i Brah Yêhova sǎ tă bôh bunuyh i nây Pǎng jan jêng bu ur, jêh ri leo bu ur i nây ăn ma bunuyh bu klô i nây nơh.



Yor ma kơt ndri dāng bu klô lôh du
bơh me bở, hăn gũ a ur, jêh ri bar
hê khân păng nây jêng ur sai jêng
du rnglay sắk.



Yorlah Kôranh Brah rông hô ngấn ma
dâng lể bunuyh, tât Păng jao Kon
nguai ở Păng nôm ăn bu nkhât, gay
ma bu moh nsing ma Kon i nây mâu
geh ôh tể dôih, geh nau rêh
n'ho ro ngấn.



Rôm 3:23

yorlah dâng lể bunuyh lể jan tih dadê, mâu geh ôh du huê
jan dũt ueh kơt Kôranh Brah ۆch.

Rôm 6:23

Nau jan tih leo tăt ta nau khăt gũ ta ndrung ۆnh n'ho ro.
Lۆng ndr Kôranh Brah ăn dơm dam ma bân jêng nau rêh
n'ho ro, tắ bơh ndr Brah Krist Yêsu i Kôranh bân lể jan nơh.

Hêbrơ 9:27

Dâng lể bunuyh geh khăt du tở dơm, jêh ri Kôranh Brah
nơm phat dōih,



Êphêsô 2:8,9

Tă bơh nau ueh Kôranh Brah, dâng Păng rklaih khân ay may, yor ma khân ay may nsing ma Brah Krist. Nau rklaih i nây mâu ôh tă bơh ndr khân ay may nơm jan, jêng tă bơh Kôranh Brah nơm ăn dơm dam. Mâu đổng di tă bơh bunuyh jan ueh, gay ma lơi ăn du huê bunuyh n'hi êng săk păng nơm.

Rôm 10:9,10

Bu moh i m bơh nkoch ma mbung lah Brah Yêsu jêng Kôranh, ndâp ma iăt ta nuih n'hâm lah Kôranh Brah jan ăn Brah Yêsu dâk rêh, Păng i nây Kôranh Brah rklaih ngăn ro. Yor tă bơh nuih n'hâm bân nsing ma Brah Yêsu dâng Kôranh Brah kợp bân sồng, jêh ri dâng bân geh rklaih yor tă bơh nau bân m bơh nkoch ma bu đổng, nau bân nsing i nây.



Yôhan 3:16,17

Yorlah Kôranh Brah rông hô ngăn ma dâng lể bunuyh, tât Păng jao Kon nguai ở Păng nôm ăn bu nkhât, gay ma bu moh nsing ma Kon i nây mâu geh ôh tể dôih, geh nau rêh n'ho ro ngăn. Kôranh Brah đã Kon Păng jũr ta neh ntu dja, mâu ôh gay ma tể dôih bunuyh ta neh ntu dja, yơn ma gay ma rklaih bunuyh yor ma Kon Păng i nây.

Yôhan Rơh 1 5:11-13

Kôranh Brah lể ăn jêh nau rêh n'ho ro ma bân, jêh ri nau rêh i nây jêng geh ta Kon Păng nôm, nau i nây jêng nđơ Kôranh Brah mboh nkoch ma bân. Bu moh i gũ tâm rnglăp ndrel Kon Kôranh Brah nôm, păng i nây geh nau rêh n'ho ro đổng, yơn ma bu moh i mâu ôh gũ tâm rnglăp ndrel Kon Kôranh Brah nôm, păng i nây mâu ôh geh nau rêh n'ho ro. Gâp nchih sambũt dja njuăl ăn khân ay may, gay ma ăn khân ay may gĩt i lể nsing jêh ma Kon Kôranh Brah nôm, khân ay may lể geh nau rêh n'ho ro jêh.



Nau Ntóm 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies; Tammy S.

Mnong, Central Bible (cmo) © (Active)
Wycliffe Bible Translators, Inc. All rights reserved.

<https://www.bible.com/bible/1657/GEN.1.CMOL>

©2025 Bible for Children, Inc.

www.M1914.org

www.bibleforchildren.org

